

文苑英華卷第三百四十一

歌行十一

送行

李白三首

杜甫三首

釋皎然一首

劉禹錫一首

白居易一首

李賀一首

韋應物二首

韓翃一首

盧綸一首

李頎三首

鳴臯歌送岑徵君

時梁園三丸雪在清冷池作

李白

若有人兮思鳴臯阻積雪兮心煩勞  
洪河凌兢不可以徑

度冰龍鱗兮難容舫  
邈神仙集作魏之峻極兮聞天籟之

嘈嘈霜崖皜皜以合沓兮若長風扇海湧滄溟之波濤玄



猿綠熊舂談上他井下 峯集作 危咆柯振石駭膽慄魄羣

呼而相號峯崢嶸以路絕掛星辰於巖嶽送君之歸兮動

鳴臯之新作交鼓吹兮彈絲觴清冷之池閣君不行兮何

待若返顧之黃鶴掃梁園之羣英振大雅於東洛巾征軒

兮歷阻折尋幽居兮越嶽臺盤白石兮坐素月琴松風兮

寂萬壑望不見兮心氛氳蘿冥冥兮霰紛紛水橫洞以下

淥波小聲而集作 上聞虎嘯谷而生風龍藏溪而吐雲本

作香 寡鶴清唳饑鼯嘖呻塊獨處此幽默兮啼空山而愁

人鷄聚族以爭食鳳孤飛而無隣蝮蟻嘲龍魚日混珍媠

毋衣錦西施負薪若使巢由在枯於軒冕兮亦奚異乎夔

龍蹶躄於風塵哭何苦而救楚笑何誇兮而却秦吾誠不

能學二子沾名矯節以耀世兮固將棄天地而遺身白鷗

兮飛來長與君兮相親

鳴臯歌奉餞從翁請集作 歸五崖幽集作 居前人

昨憶鳴臯夢裏還手弄素月清潭間覺時枕席非碧山側

身西望阻秦關麒麟閣上春還早著書却憶伊陽好青松

來風吹石道綠蘿飛花覆烟草我家仙翁愛清真才雄草

聖陵古人欲卧鳴臯絕世塵鳴臯微茫在何處五崖峽一作

溪水橫樵路身被翠雲裘袖拂紫雲集作 去去時應過嵩

少間相思為折三花樹

西岳雲臺歌送丹丘子 前人

西岳崢嶸何壯哉黃河如絲天際來黃河萬里觸山動盤

集作 集作

文苑英華

卷乃



澗谷

集作穀

轉秦地雷榮光休氣紛五綵千年一清聖人在

巨靈咆哮擘兩山洪波噴流射

集作箭射流

東海三峯却立如

欲摧翠崖丹谷高掌開白帝金精運元氣石作蓮花雲作

臺閣道窈冥人不到

集作雲臺閣道連窈冥

中有不死丹丘生明星

玉女備掃灑麻姑搔背指爪輕我皇手把天地戶丹丘談

天與天語九重出入生光輝東海

集作求

蓬萊復西歸玉漿

儻惠故人飲身騎第一龍上天飛

集作騎二茅龍上天飛按初學記華山門列仙

傳呼子先者有仙人持二茅狗來騎之乃龍也

### 送顧八分文學適洪吉州

杜甫

中郎石經後八分蓋憔悴顧侯運鑪錘筆力破餘地昔在

開元中韓釋蔡釋有隣同同鼎鼐玄宗妙其書是以數子至御札

早流傳偷揚非造次三人並入直恩澤各不二顧於韓蔡

內辯眼工小字分日侍諸王鈞深法更祕文學與我遊蕭

疎外聲利追隨二十載浩蕩長安醉高歌卿相宅文翰飛

省寺視我揚馬問白首不相棄驂騑入窮巷必脫黃金轡

一論朋友難遲暮敢失墜古來事反覆相見橫涕泗嚮者

玉珂人誰是青雲器才盡傷形骸

集作體

病渴汗官位故舊

獨依然時危語

集作話

顛躓我其多病老子負憂世志胡為

困衣食顏色少稱遂遠作苦辛行順從衆多意舟楫無根

蒂蛟鼉好為崇况蕪水賊繁特戒風颺駛崩騰戎馬際往

往殺長吏子干東諸侯勸勉防縱恣邦以民為本魚肌費

香餌請哀創

集作瘡

痍深告訴皇華使使臣精所擇進德知



歷試惻隱誅求情固應賢愚異列集作烈士惡苟得俊傑思

自致贈子猛虎行出郊載酸鼻 侍諸王集作侍示

惜別行送向卿進奉端午御衣赴上都 前人

肅宗昔在靈武城指揮猛將收咸京向公泣血灑行殿佐

佑卿相乾坤平逆胡冥冥墮煙燼卿家兄弟功名振麒麟

圖集作閣畫鴻鴈行紫極出入黃金印尚書勲業超千古雄

鎮荊州繼吾祖裁縫雲霧成御衣拜跪題封賀端午向卿

將命寸心赤青山落日江湖白卿到朝廷說老翁飄集作漂

零已是滄浪客

惜別行送劉僕射判官 前人

聞道南行市駿馬不限匹數軍中須襄陽幕府天下異主

將儉省憂艱虞祗收壯健勝鐵甲豈因格鬪求龍駒而今

西北自反胡麒麟麒麟蕩盡一匹無龍媒真種在帝都子孫未

落東南隅向非戎事備征伐君肯辛苦越江湖江湖凡馬

多顛顛衣冠往往乘蹇驢梁公富貴於身踈號令明白人

安居俸錢時散士子盡府庫不為驕豪虛以茲報主寸心

赤氣却西戎廻北狄網羅羣馬籍集作鳥籍馬多氣集作用在驅

除出金帛劉候奉使光推擇滔滔才畧滄溟窄杜陵老翁

秋紫船扶病相識長沙驛強梳白髮提胡蘆手兼菊花路

傍摘九州兵革浩茫茫三歎聚散臨重陽當杯對客忍涕

淚集作君不覺老夫神內傷

送顧處士吳與丘司議之女婿即况也 釋皎然

西集作

文苑英華 卷一百一十四 黃



吳門顧子予早聞風貌古真誰似君人中黃憲與顏子物  
表孤高將片雲性背時人高且逸平生好古無儔足醉書  
在篋稱絕倫神畫開厨怕飛出謝氏檀郎亦可儔道情還  
似我家流安貧用晦讀書坐不見將名干五侯知君別業  
長州外欲行去聲秋田脩畎澮門前便取鰕鯿乘腰上還將  
轆轤佩禪子有情非世情御苑貢餘聊贈行蒲道喧喧遇  
君別爭窺玉潤與水清

送僧仲制東遊兼寄呈靈澈上人 劉禹錫

釋子道成神氣閑住持曾上清涼山晴空瀟瀟作禮拜見真  
像金毛玉髻卿雲間西遊長安隸僧籍本寺門前曲江碧  
松間白月照寶書竹下香泉洒瑤席前時學得經綸成奔

馳象馬開禪局高筵談柄一麾拂講下門集作徒如醉醒

舊聞南方多禪一作長老次第來入荆門道荆州本自重諸

集作彌天南朝塔廟猶依然宴坐東陽枯樹下經行居止集作

此故臺邊忽憶遺民社中客爲我衡陽駐飛錫講罷同尋

相鶴經閑來共蠟登山屐一旦揚眉望沃州自言王謝許

集作與同遊憑將雜擬三十首寄與江南湯慧休

送張山人歸嵩陽 白居易

黃昏慘慘天微雪循集作行坊西鼓聲絕張生馬瘦衣且

單夜叩柴門與我別愧君冒寒來別我爲君沽酒張燈火

酒酣火煖與君言君何集作何事入關又出關答云前年偶下

山四十餘月客長安長安古來名利地空手無金行路難



朝遊九城陌肥馬香車欺殺客暮宿五侯門殘茶冷酒愁  
殺人春明門外高城一作高高處直下便是高山路幸有雲泉  
客此身明日辭君且歸去

送韋仁實兄弟入關

李賀

送客飲別酒千觴無赭顏何物最傷心馬首鳴金環野色  
浩無主秋明空曠間坐來壯膽破新月不能看行槐引西  
道青梢長攢一作青松梢長攢君子送秦水小人巢洛烟韋郎  
好兄弟疊玉生交翰我在山上舍一畝蒿礮田夜雨叫租  
吏春聲聞暗關誰解念勞苦蒼突唯南山

送褚祕集作校書歸舊山歌

韋應物

握珠不返泉匣玉不歸山明時重士亦如此忽恠褚生何

得還方補羽獵賦集作拜蘭臺職漢篋亡書已暗傳嵩

丘遺簡還能識朝朝待詔青鎖闥中有萬年之樹蓬萊池

世人仰望棲此地生獨徘徊意何為故山可徃薇可采一

自人間星歲改藏書壁上集作苔半侵洗藥泉中月還在

春風飲餞灞陵原莫厭歸來朝市喧夫君不見東方朔避

世從容金馬門

送孫徵赴雲中

前人

黃驄少年無雙戟目視傍人皆辟易百戰曾誇隴上兒一

身復坐雲中客寒風動地氣蒼茫橫吹先悲出塞長敲石

軍中傳夜火斧冰河畔汲朝漿前鋒直指陰山外虜騎紛

紛翦應碎克疑奴破盡看君歸金印酬功如斗大



送客之江寧

韓翃

春流送客不應賒南過徐州見柳花朱雀橋邊看淮水烏衣巷裏問王家千問萬井無多事閉戶開門向山翠楚雲朝下石頭城江鷺雙飛瓦棺寺吳士風流甚可親相逢嘉賞日應新從來此地夸羊酪自有尊羨定却人

此詩二百七十二卷重出前已削去

送張郎中還蜀歌

盧綸

秦家御史漢家郎親專兩印征殊方功成走馬朝天子伏檻論邊若流水曉離仙署趨紫微夜接高儒讀青史瀘南五將望君還願以天書示百蠻曲棧重江初過雨前旌後騎不同山迎車拜舞多耆老舊卒新營遍青草塞口雲生

火候遲煙中鶴唳軍行早黃花川下水交橫遠鴈孤霞蜀

國晴印

集作節

竹筍長椒瘴起荔枝花發杜鵑鳴回首岷峨

半天黑傳觴接膝何由得空令豪士仰威名無復貧交恃顏色垂楊不動雨紛紛錦帳胡瓶爭送君須臾醉起簫笳發空見紅旌入白雲

送陳章甫

李頎

四月南方大麥黃棗花未落桐陰長青山朝別暮還見嘶馬出門思舊鄉陳侯立身何坦蕩虬鬚虎眉仍大顙腹中貯書一萬卷不肯低頭在草莽東門沽酒飲我曹心輕萬事皆鴻毛醉卧不知白日暮有時空望孤雲高長河浪頭連天黑一作暗津口停舟渡不得鄭國州一作州遊人未及家洛



陽行子空歎息聞道故林相識多罷官昨日今如何

送康生入京進樂府詩

前人

識子十年何不遇只愛歡遊兩京路朝吟左氏嬌女篇夜  
誦相如美人賦長安春物舊相宜小苑蒲桃花蒲枝柳色  
偏濃九華殿鶯聲醉殺五陵兒曳裾此日從何所中貴由  
來盡相許白夾春衣仙史贈烏皮隱機臺卽與新書樂府  
唱堪愁御妓應傳鴝鵒樓西上雖因長公主終須一見曲  
陽侯

送山陰姚丞携妓之任兼寄蘇少府 前人

東風香草路南客心容與白晳吳王孫青蛾柳家女都門  
數騎出河口片帆舉夜篋單眠橘洲春杉傍楓嶼山陰政簡  
甚從容到罷惟求物外蹤落日花邊剡溪水晴煙竹裏會  
稽峯才子風流蘇伯玉同官曉暮應相逐加餐共愛鱸魚  
肥醒酒仍憐苾蔗熟知君練思本清新季子如今得爲隣  
他日知尋始寧墅題詩早晚寄西人

校正五十九字

六月十三日

文苑英華卷第三百四十一



文苑英華卷第三百四十二

山

虎牙行一首

閩水歌一首

高山引一首

驪山行一首

望山歌一首

陰山道一首

石

石筍行一首

青石一首

石犀行一首

文苑英華卷第三百四十二

歌行十二

山

虎牙行一首

閩水歌一首

高山引一首

驪山行一首

望山歌一首

陰山道一首

石

石筍行一首

青石一首

石犀行一首



隱逸

逸人歌一首

丁隱君歌一首

柴溪翁歌一首

佛寺

道林寺三首

丘麓寺一首

山

虎牙行

杜甫

北風歛吸吹南國天地慘慘無顏色  
洞庭揚波江漢迴虎牙銅柱皆傾側  
巫峽陰岑朔漠氣峰巒窈窕溪谷黑  
杜鵑不來後沅寒集作山鬼幽憂雪霜逼  
楚老長嗟憶炎瘴三尺角弓兩斛力  
壁立古集作城橫塞起金錯旌竿浦雲直

漁陽突騎獵青丘大戎鑱甲圍丹極  
八荒十年防盜賊征戍誅求寡妻哭  
遠客中宵淚霑臆

閬山歌

前人

閬州一作城東靈

集作雪

山白閬州城北玉臺

一作壺

碧松浮

欲盡不盡雲江動將崩已

集作未

崩石那知根

集作眼

無鬼神

會已覺氣與嵩華敵中原格鬪且未歸  
應結

一作看

茅齋看

一作青壁

此詩一百五十九卷重出已削去註異同為一作

閬水歌

前人

嘉陵江色何所似石黛碧玉相因依  
正憐日破浪花出更復春從沙際歸  
巴童盪集作蕩槳歌側過水鷄街魚來去飛



閩中勝事可腸斷閩州城南天下稀

嵩山天門歌

宋之問

登天門兮坐盤石之磷砢前澹澹兮未半下漠漠兮無垠  
紛窈窕兮巖倚披以鵬翹洞膠葛兮峰峻層以龍鱗松移  
岫轉左變而右易風生雲起出鬼而入神吾亦不知其靈  
恠如此願遊杳冥兮見羽人重曰天門兮窮崇廻合兮攢  
叢松萬接兮柱日石千層兮倚空晚陰兮足風一作夕陽  
兮艷紅試一望兮魂奪况衆妙之無窮

高山引

前人

攀雲窈窕兮上躋懸峰長路浩浩兮此去何從水一曲兮  
腸一曲山一重兮愁一重松檟邈已遠友于何日逢况蒲

室兮童稚攢衆慮

一作愁

於心胷天高難訴兮遠負明德却

望函京兮揮涕龍鍾

小山歌

萬楚

人說淮南有小山淮王昔日此登仙城中鷄犬皆飛去山  
上壇場今宛然世人貴身不貴壽共笑華陽洞天口不知  
金石變長年謾在人間戀携手君能舉帆至淮南家住盱  
眙余先諳桐栢亂流平入海茱萸一曲沸成潭憶記來時  
魂悄悄想見仙山衆峰小今日長歌思不堪君行爲報三  
春鳥

驪山行

韋應物

君不見開元至化垂衣裳厭坐明堂朝萬方訪道靈山降



聖祖沐浴華池集百祥千乘萬騎被原野雲煙草木生一作

相輝光禁仗園山曉霜勁集作切離宮積翠夜漏長玉階寂

歷朝無事碧樹歲寒更芳三清小鳥傳仙語九華真人

奉瓊漿下元昧爽漏一作編恒秩登山朝禮玄元室翠華稍

隱天半雲丹閣先集作光明海中日羽旗旄節憇瑤臺清絲

妙管從空來萬井九衢皆仰望綵雲白鶴方徘徊憑高覽

古集作望嗟寰宇造化茫茫思攸哉秦川八水長繚繞漢氏

五陵空崔嵬乃言聖祖授集作奉冊經以年為日億萬齡蒼

生咸壽陰陽泰高謝前王出塵外英雄共理天下晏戎夷

讐伏兵無戰時豐薄賦集作賦飲未告勞海闊珍奇亦來獻干

戈一起文物乖權娛已極人事變聖皇弓劍墜幽泉古木

蒼山閉宮殿續承鴻業聖明君威振六合驅妖氛太平遊

幸今可待湯泉嵐嶺還氛氲

苔蘚山歌

顧况

野人夜夢江南山江南山深松桂閑野人覺後長歎息帖

蘚黏苔作山色閉門無事任盈虛終日欹眠觀四如一如

白雲飛出壁二如飛雨巖前滴三如騰虎欲哮咆四如懶

龍遭霹靂嶮峭嵌空潭洞寒小兒兩手扶欄干

同裴觀察東湖望山歌

前人

浴鮮積翠栖靈異石洞花宮橫半空夜光潭上明星啓風

雨壇邊樹如洗水淹徐孺宅恒乾繩墜洪崖井無底主人

載酒東一作春湖陰遙望面山三四岑



太行路

白居易

太行之路能摧車若比人心是坦途巫峽之水能覆舟若  
 比人心是安流人心好惡若不常好生毛髮惡生瘡與君  
 結髮未五載豈期集作忽從牛女為參商古稱色衰相棄背當  
 時美人猶怨悔何況如今鸞鏡中妾顏未改君心改為君  
 薰衣裳君聞蘭麝不馨香為君事容飾君看珠集作金翠無  
 顏色行路難難重陳人生莫作婦人身百年苦樂由他人  
 行路難難於山險於水不獨人家集作問大與妻近代君臣  
 亦如此君不見左納言右納史朝承恩暮賜死行路難不  
 在水不在山只在人情反覆間

陰山道

前人

陰山道陰山道紆邏敦肥水泉好每至戎人進集作送馬時  
 道傍千里無纖草草盡泉枯馬病羸飛龍但印骨與皮五  
 十疋縑易一疋縑去馬來無了日養無所用土集作飛去非宜  
 每歲死傷十六七縑絲不足女工苦踈織短截充足數藕  
 絲蛛網三丈餘迴紆集作鵝訴稱無用處咸安公主號可敦  
 遠為可汗頻奏論元和三年下新勅內出金帛酬馬值仍  
 詔江淮馬價縑從此不令踈短織合羅將軍稱集作呼萬歲  
 捧受金銀與縑絲誰知胡集作點虜啓貪心明年馬來多一  
 陪縑漸好馬漸多陰山虜柰爾何

蓮峰歌

賈島

錦礫潺湲玉溪水曉來微雨藤花紫冉冉山鷄紅尾長一



聲樵斧驚飛起松刺梳空石差室一作齒煙香空風軟人  
參藥陽崖一夢伴雲根仙菌靈芝之夢魂裏

石

石笋行

杜甫

君不見益州城西門陌上石笋雙高蹲古老集作來相傳是  
海眼苔蘚蝕盡波濤痕雨多往往有集作得瑟瑟此事恍惚  
難明論恐是昔時卿相墓集作家立石為表今仍存惜哉俗  
態好蒙蔽亦如小臣媚至尊政化錯忤失大體坐看傾危  
受厚恩嗟爾石笋擅虛名後來未識猶駿奔安得壯士擲  
天外使人不疑見本根

石犀行

前人

君不見秦時蜀太守刻石立作三犀牛自古雖有厭勝法

天生江水湏集作向東流蜀人矜誇一千載泛濫集作溢不近

張儀樓今年灌口集作注損戶口此事或恐為神羞終藉隄

防出衆力高擁木石當清秋先王作法皆正道詭恠何得

參人謀嗟爾三犀不經濟缺訛只與長川逝但見元氣相

恒集作調恒自免洪濤恣凋瘵安得作者集作提天綱再平

水土犀蒼集作茫

青石

白居易

青石出自藍田山蕪車運載來長安工人磨琢欲何用石  
不能言我代言不願作人家墓前神道碣墳土未乾名已  
滅不願作官家道傍德政碑不鐫實錄鐫虛詞願為顏氏



段氏碑雕鏤太尉與太師刻用集作兩片堅貞質狀彼二

人忠烈姿義心若石屹不轉死節若石確不移如觀奮擊

朱泚日似見叱呵希烈時各於其上題名字集作一置高

山一沉水陵谷雖遷碣集作存骨化為塵名不死長使

不忠不烈臣觀碑改節慕為人慕為人勸事一作君

隱逸

逸人歌贈李山人

張楚金

上有堯兮下有由眠嵩陽兮漱潁流其貌古其心幽浩歌

一曲兮林壑秋道險可驚兮人莫用樂天知命兮守巖洞

時擊磬兮嗟鳴鳳吾欲知往古之不可追自悠悠於兀麤

丁隱君歌

陸龜蒙

華陽道士南遊歸手中半捲青羅衣集作自言逋客持贈

我乃是錢塘丁翰之連江集作天大抵多奇岫獨話君家最

孤秀盤燒天竺春笋肥琴倚洞庭秋石瘦草堂暗引龍泓

溜老樹根株若蹲獸霜濃果熟未容收徃徃兒童雜猿狖

去歲猖狂有黃寇官軍駭散無人鬪滿城奔送翰之閑抵

把枯松塞圭竇前度集作相逢正集作賣文一錢不直虛

云云今來利作採樵客可以拋身麋鹿群丁隱君丁隱君

集作昂頭且莫變名氏即日便尋丁隱君

紫溪翁歌

前人

一丘之木其棲身也屋吾容不辱一溪之石其居平也席

吾勞以息一竇之泉其音清也絃吾方在懸得乎人得乎



天吾不知所以然然而然先生側弁而賡之曰采江之魚兮  
朝舡有鱸采江之蔬兮暮筐有蒲左圖且書右琴與壺壽  
歟貴歟賤歟歌闕而去

佛寺

岳麓山道林二寺行

杜甫

玉泉之南麓山殊道林林壑爭盤紆寺門高開洞庭野殿  
脚插入赤沙湖五月寒風冷佛骨六時天樂朝香爐地靈  
步步雪山草僧寶人人滄海珠塔剗宮墻壯麗敵石集作  
厨松道清涼俱蓮池集作交響共命鳥金榜雙迴三足鳥  
方丈涉海費時節玄圃尋河知有無暮年且喜經行近春  
日兼蒙暄暖扶飄然班白將集作奚適傍此煙霞苑可誅

桃源人家易制度橘洲田土仍膏腴潭府邑中甚淳古太  
守庭內不喧呼昔遭衰世皆晦跡今幸樂國養微軀依止  
老宿亦未晚富貴功名馬足圖久爲謝集作客尋幽慣細  
學何顛免興孤一重一掩吾肺腑仙鳥仙花集作吾友  
于宋公放逐曾題壁物色分留待集作老夫集作

道林寺

常蟾

石門迴接蒼梧野愁色陰深二妃寡廣殿崔嵬萬壑間長  
廊詰曲千巖下靜聽林飛念佛鳥細看壁畫馱經馬暖日  
斜明蟬竦梁濕煙散幕鴛鴦瓦北方部落檀香塑西國文  
書貝葉寫壞欄迸竹醉好題窄路垂藤困堪把沈裴筆力  
闔雄壯宋杜詞源兩風雅他方居士來施齋彼岸上人投



文苑英華 卷一百一十五  
結夏悲我未離擾擾徒勸我休學悠悠者何時得與劉遺  
民同入東林遠公社

同前

崔珏

臨湘之濱麓之隅西有松寺東岸無松風千里擺不斷竹  
泉瀉入于僧厨宏梁大棟何足貴山寺難有山泉俱四時  
唯夏不敢入燭龍安敢停斯須遠公池上種何物碧羅扇  
底紅鱗魚香閣朝鳴大法鼓天宮夜轉三乘書野花市井  
栽不着山鷄飲啄聲相呼金盃盃僧迴步步影石盆水濺聯  
聯珠北臨高處日正午舉手欲摸黃金烏遙江大船小於  
葉遠村雜樹齊如蔬潭州城郭在何處東邊一片青模糊  
今來古往人滿地勞生未了歸立墟長卿之門久寂寞五  
言七字誇規模我吟杜詩清入骨灌頂何必須醍醐白日  
不照耒陽縣黃天厄死飢寒軀明珠大貝採欲盡蚌蛤空  
滿赤沙湖今我題詩亦無味懷賢覽古成長吁不如興罷  
過江去已有好月明歸途

嶽麓寺

沈傳師

承明年老輒自論乞得湘守東南奔爲聞楚國富山水青  
嶂灑迤僧家園含香珥筆皆眷舊謙挹自忘臺省尊不令  
執簡候亭館直許携手遊山樊忽驚列岫晚來逼朔雪洗  
盡煙嵐昏碧波迴嶼三山轉卅檻繚郭千艘屯華鑣蹀躞  
徇砂步大旆綵錯輝松門樛枝競驚龍蛇勢折幹不滅風  
霆痕相重古殿倚巖腹別引新徑縈雲根目傷平楚虞帝



文苑英華卷第三百四十二  
九  
冤情多思遠聊開罇危絃細管逐歌颺畫鼓繡靴隨節翻  
鏘金七言陵老杜入木八法蟠高軒嗟余潦倒久不利忍  
復感激論元元

校四十二字

六月十三日

文苑英華卷第三百四十二

文苑英華卷第三百四十三

歌行十三

樓臺宮閣 園亭附

樓四首

臺三首

宮三首

閣二首

園二首

亭五首

經行

封丘作一首

發閬中歌一首

金陵歌一首

梁園歌一首

襄陽歌一首

長安歌一首

鄴城引一首

鴻門行一首

顧渚行一首

武源行一首

過荆門歌一首



陪侍郎叔華登樓歌

集作宣州謝朓樓  
錢別校書叔雲

李白

棄我去者昨日之日不復留亂我心者今日之日足繁集作

繁憂長風萬里送秋鴈對此可以酌集作高樓蔡氏集作

文章建安骨中間小謝又清發俱懷逸興壯思飛欲上青

雲集作覽明月抽刀斷水水更流舉杯銷愁愁復集作愁

男兒集作在世不稱意明朝舉棹還滄洲集作散髮集作

越王樓歌

杜甫

綿州州府何磊落顯慶年中越王作孤城西北起高樓碧

瓦朱甍照城郭樓下長江百丈清山頭落日半輪明君王

舊跡今人賞轉見千秋萬古情

江樓曲

李賀

樓前流水江陵道鯉魚風起芙蓉老曉釵催一作鬢語南

風抽帆歸來一日功鼉吟浦口飛梅一作雨竿頭酒旗換

青紵蕭騷浪白雲差池一作黃粉油集作衫寄郎主新槽

酒一作聲苦一作無力南湖一頃菱花白眼前便有千里

愁小玉開屏見山色

上官昭容書樓歌

貞元十四年友人崔仁亮於東  
都買得研神記一卷有昭容列

各書縫處因用  
感歎而作是歌

呂溫

漢家婕妤唐昭容工詩能賦千載同自言才藝是天真不

服丈夫勝婦人歌闌舞罷閑無事縱恣優游一作弄文字

玉樓寶架中天居絨竒祕異萬卷餘水精編帙綠鈿軸雲

母擣紙黃金書風飄一作花露清旭時綺窓高掛紅銷帷



香囊盛煙繡結絡翠羽拂紫碧集作青琉璃吟披嘯卷紛無

已皎皎淵機破一作碎妍理詞縈綵翰紫鸞迴思耿寥天碧

雲起碧雲起心悠哉境深轉苦坐自催金梯珠一作王履聲

一斷瑤瑤日夜生青苔青苔閔九關曾比群玉山神仙杳

何許遺逸滿人間君不見洛陽南市賣書肆有人買得研

神記紙上香多壽不成昭容題處猶分明令人惆悵難為

情

春臺引寒食集畢 錄事宅作

陳子昂

感陽春兮生碧草之油油懷宇宙以傷遠登高臺而寫憂

遲美人兮不見恐青歲之遂集作還道從畢公以酣飲寄林

塘而一留綵芳蓀於北渚憶桂樹於南洲何雲木之英麗

雨池館之崇幽星臺秀士月旦諸子嘉一作喜青鳥之辰迎

火龍之始挾寶書與瑤琴芳蕙華而蘭靡乃掩白蘋藉綠

芷酒既醉樂未已擊青鍾歌淶水怨青春之萎絕贈瑤臺

之旖旎願一見而道集作尊意結衆芳之網繆曷余情之蕩

漾集作漾獨青雲以增愁悵三山之飛鶴憶海上之白鷗且

曰群仙去兮青春頽歲華歇兮黃鳥哀富貴榮樂幾時兮

朱宮碧堂生青苔白雲兮歸來

姑蘇臺

釋皎然

古臺不見秋草淒却憶吳王金盛時千年月照秋草上吳

王在時幾迴望至今月出君不還世人空對姑蘇山山中

精靈安可覩轍跡人蹤麋鹿聚嬋娟西子傾國容化作寒



陵一堆土

司天臺

白居易

司天臺仰觀俯察天人際  
羲和死來職事廢  
官不求賢空取藝  
昔聞西漢元成間  
下陵上替集作上替 謫見天北辰  
微暗少光色  
四星煌煌如火赤  
耀芒動角射三台半見集作上台  
半滅中台坼  
是時非無太史官  
眼見心知不敢言  
明朝趨入明光殿  
唯奏慶雲壽星見  
天文時變兩如斯  
九重天子不得知  
不得知安用臺高百尺爲

連昌宮詞

元稹

連昌宮中滿宮竹  
歲久無人森似束  
又有墻頭千葉桃  
風動落花紅簌簌  
宮邊老翁爲余泣  
少年選進集作進 因曾入

上皇正在望仙樓  
太真同凭欄干立  
樓上樓前盡珠翠  
炫轉熒煌照天地  
歸來如夢復如痴  
何暇備言宮裏事  
初過寒食一百六  
店舍無煙宮樹綠  
夜半月高絃索鳴  
賀老琵琶定場屋  
力士傳呼覓念奴  
念奴潛伴諸郎宿  
湏臾覓得又連催  
特勅街中許燃燭  
春嬌滿眼一作 睡紅銷掠削雲鬢  
旋裝束飛上九天歌  
一聲二十五即吹管  
逐逡巡大遍梁州  
微色色龜茲轟綠續  
李暮摩笛傍宮墻  
偷得新翻數般曲  
平明大駕發行宮  
萬人鼓舞在途集作途 中百官隊仗避岐薛  
楊氏諸姨車闢風  
明年十月東都破  
御路獨一作 循存祿山過  
驅令供頓不敢藏  
萬姓無言集作 淚潛墮  
兩京定後六七年  
却尋家舍行宮前  
莊園燒盡有枯井  
行宮門



閉文粹樹宛然爾後相傳六皇帝不到離宮門久閉往來

年少說長安玄武樓成花萼廢去年勅使因破竹偶值門

開暫相逐荆榛櫛比塞池塘狐兔驕凝綠樹木舞榭歌傾

基尚在集作存文窻窈窕紗猶綠塵埋粉壁舊花鈿鳥啄風

箏碎珠玉上皇偏愛臨砌花依然御榻臨階斜蛇出鷲巢

盤鬪棋茵生香案正當衙寢殿相連端正樓太真梳洗樓

上頭晨光未出簾影黑至今反挂珊瑚鈎指似集作向旁人

因慟哭却出宮門淚相續自從此後還閉門夜夜狐狸上

門屋我聞此語心骨悲太平誰致亂者誰翁言野父何分

別眼見耳聞為君說姚崇宋璟作相公勸諫上皇言語切

燮理陰陽禾黍豐調和中外無兵戎長官清強集作平大守

好揀選皆言由相公開元欲集作之末姚宋死朝廷漸漸由

妃子祿山宮裏養為集作兒魏國門前鬧如市弄權宰相

不記名憶得依稀集作依楊與李廟謀集作謨顛倒四海搖

五十年來作瘡痂今皇神聖丞相明詔書纔下吳蜀平官

軍又取淮西賊此賊亦除天下寧年年耕種宮前道今年

不遣子孫耕老翁此意深望幸努力廟謀休用兵

驪宮高

白居易

高高驪山上有宮朱樓紫殿三四重遲遲兮春日玉甃暖

兮溫泉溢嫋嫋兮秋風山蟬鳴兮宮樹紅翠華不來歲月

久墻有衣兮瓦有松吾君在位已五載何不一幸乎其中

西去都城幾多地吾君不來集作遊有深意一人出兮不容



易六宮從兮百司備八十一車千萬騎朝有宴飲暮有賜  
中人之產數百家未足充君一日費吾君脩己人不知不  
白逸兮不自嬉吾君愛人人不識不傷財兮不奪集作力  
驪宮高兮高入雲君之來兮為一身君之不來兮為萬民  
集作人

滕王閣歌

王勃

滕王高閣臨江渚珮玉鳴鸞罷歌舞畫棟朝飛南浦雲珠  
簾暮捲西山雨閑雲潭影日悠悠物換星移度幾秋閣中  
帝子今何在檻外長江空自流

兩朱閣

白居易

兩朱閣南北相對起借問何人家貞元雙帝子帝子吹簫

雙得仙五雲飄颻迎集作飛上天第宅亭臺不將去化為佛

寺在人間粧閣集作閣妓樓何寂靜柳似舞腰池似鏡花落

黃昏悄悄時不聞鼓集作歌吹聞鍾磬寺門勅榜金字書尼

院佛庭寬有餘青苔明月多閑地比屋齊集作疲人無一作何

處君憶時平陽宅初置吞併平人幾家地仙去雙雙作梵

宮漸恐人家集作問盡為寺

南園

李賀

方領蕙帶折角巾杜若已老蘭芷集作茗春南山削秀藍玉

合小雨歸去飛長集作涼雲熟杏暖香梨葉老草銷集作稍

滿竹柵鏤池根集作涼鄭公鄉老開酒盞坐泛楚奏集作酒

吟招蒐



金谷園歌

常應物

石氏滅金谷園中水流絕當時豪右爭驕侈錦為步障四  
十里東風吹花雪蒲川紫氛集作疑閣朝景妍洛陽陌上  
人迴首絲竹飄飄入青天晉武平吳恣權醜餘風靡靡朝  
廷變嗣世衰微誰肯憂二十四友日日空追遊追遊詎可  
足共惜年華促禍端一發埋恨長百草無情春自綠

勞勞送亭歌

亭在江寧南十五里古送別之所一名臨滄觀

李白

金陵勞勞送客堂蔓草離離生道傍古情不盡東流水此  
日悲風愁白楊我乘素舸同康樂朗詠清川飛夜霜昔聞  
牛渚吟五章今來何謝袁家郎苦竹寒聲動秋月獨宿空  
簾歸夢長

此日

集作此地

宿東溪李十五山亭

王季友

上山下山入山谷溪中落日留我宿松石依依當主人主  
人不在意亦足名花出地兩重階絕頂平天一小齋本意  
由來是山水何用相逢語一作舊懷

奉和禮部李尚書酬楊著作竹亭歌

權德輿

直城朱戶相邏連九達丹轂聲闐闐春官自有花源賞終  
日南山當目前晨搖玉珮趨温室暮入竹蹊集作疑洞天

煙銷雨過看不足晴翠鮮飈逗深谷獨謔一曲泛流霞閑  
對千竿連淨綠縈迴疏鑿隨勝地石磴巖扉光景異虛齋  
寂寂清籟吟幽澗紛紛雜芙蓉家承麟趾貴劔有龍泉賜  
上奉明時事無事人間方外興偏多能以簪纓狎薜蘿嘗



通內學青蓮。偁更奏新聲白雪歌。風入松雲歸棟鴻飛滅。  
處猶目送蝶舞閑時忽成夢。集作夢蘭臺有客叙交情返  
照中林曳履迎。集作聲直為君思。集作思催造滕東方辨色謁  
承明

蕭常待瘦栢亭歌

盧綸

栢之異者山中靈。好人截斷為君亭。雲翻浪卷不可識。鳥  
獸成形花倒植。莓苔舊點色尚青。霹靂殘痕節猶黑。金貂  
主人漢三老。構此窮年下朝早。心規目製不暫疲。匠者受  
詞無一詞。清晨拂匣菱生鏡。落日凭欄星滿池。攢薨闢拱  
無斤跡。根瘦聯懸同素壁。數層亂寫雲裏峯。萬片爭呈雪  
中石。重簾不動自飄香。似到瀛洲白雪堂。集作王堂水精如意

方同集作全色雲母屏風。遂掩光四堦。綿綿被織草。草上依  
微衆。山道松間汲井煙。翠寒洞裏圍碁天。景好愚儒敢欲  
賀成功。鸞鳳栖翔固不同。應念廢材今接地。一枝思寄戶  
庭中

白沙亭逢吳叟歌

韋應物

龍池宮裏上皇時。羅衫寶帶香一作春風吹滿朝。豪士今已  
盡。欲話舊遊人不知。白沙亭上逢一作遭吳叟。愛客脫衣且  
沽酒。問之執戟亦先朝。零落艱難却負樵。親觀文物蒙雨  
露。見我昔年侍丹霄。冬待春祠無一事。歡遊洽醺多頒賜。  
嘗陪夕月行宮齋。每返溫泉灞陵醉。星歲拜周十二辰。爾  
來不語今為君。盛時忽去良可恨。一身集作生坎壈何足云



經行

高適

封丘作

我本漁樵孟諸野一生自是悠悠者乍可狂歌草澤中寧  
 堪作吏風塵下只言小邑無所為公門百事皆有期拜迎  
 官長心欲破集作碎鞭撻黎庶令人悲歸集作悲來向家問妻  
 子舉家盡哭集作道今如此生事須依集作應南畝田世情付  
 與東流水夢想舊山安在哉為銜君命日集作且遲迴乃知  
 梅福徒為爾却集作轉憶陶潛歸去來

發閬中歌

杜甫

前有毒蛇後猛虎溪行盡日無村塢江風蕭蕭雲拂地山  
 木慘慘天欲雨女病妻憂歸意速秋花錦石誰復數別家  
 三月一書來集作得書避地何時免愁苦

金陵歌送別范宣

李白

石頭巉巖如虎踞陵波欲過滄洲集作江去鍾山龍盤走勢  
 來秀色橫分歷陽樹四十餘帝三百秋功名事跡隨東流

白馬小兒

集注作金鞍

誰家子秦清之歲來關囚

集注作吹唇虎嘯鳳凰樓

金陵昔時

集作日

何壯哉席卷英豪天下來冠蓋散為煙霧

盡金輿玉座

一作輦

成寒灰扣劍悲吟空咄嗟梁陳白骨亂

如麻天子龍沉景陽井誰歌玉樹後庭花此事傷

一作此地悲

心不能道城

集作日

下離離長春草送爾長江萬里心他年

來訪南山皓

梁園吟

見三百三十六卷

前人



襄陽歌

見二百一卷

前人

長安道

見一百九十二卷

常應物

鄴城引

張鼎

君不見漢家失統三靈變魏武爭雄六龍戰盪海吞江制  
中國迴天運斗應南面隱隱都城紫陌開迢迢分野黃星  
見流年不駐漳河水明月俄終鄴國宴文章猶入管絃新  
帷座空銷狐兔塵可惜望陵歌舞處松風四面暮愁人

鴻門行

袁瓘

少年買意氣百金不辭費學劍西入秦結交北遊魏秦魏  
多報人與代亦殊倫由來不相識皆是暗相親寶馬青絲  
轡狐裘貂鼠服一作晨過劇孟遊暮投咸陽宿然諾本云

云諸侯莫不聞猶思百戰術更逐李將軍始從灞陵下遙  
遙度朔野北風聞楚歌南庭見胡馬胡馬秋正肥相邀夜  
合圍戰酣烽火滅路斷救兵稀白刃縱橫逼黃塵飛不息  
虜騎血灑衣單于淚霑臆獻凱雲臺中自言塞上雄將軍  
行失勢部曲遂無功新人不如舊一作舊人不相救萬里  
長飄飄十年計不就棄置難重論驅馬度鴻門行看楚漢  
事不覺風塵昏寶劍中夜撫悲歌聊獨舞此曲不可終曲  
終淚如雨

顧渚行行寄裴芳冊

釋皎然

我有雲泉隣渚山山中茶事頗相關鷓鴣鳴時芳草死山  
家漸欲收茶子伯勞飛日芳草滋山僧又是採茶時由來



慣採無近遠陰嶺長今陽崖淺大寒山下葉未生小寒山  
中葉初卷各二山吳姪携籠上翠微蒙蒙香刺冒春衣山迷

乍可落花亂度水時驚啼鳥飛家園不遠乘露摘歸時露  
絲猶滴瀝初看抽出欺玉英更取金疑來勝金液昨夜西

風雨色過朝尋新茗復如何女官露澁青芽老堯市人稀  
紫筍多紫筍青芽牙誰得識日暮探疑作採之長太息清冷真

人待子元仙傳清冷真人裴君貯此芳香思何極與道人真子元為友

武原行

前人

昔年群盜阻江東吳山動搖楚澤空齊人示戴二字疑蜂蠆  
毒美稷化為荆棘叢勾勾四顧多空穴浮雲白波不妨同  
萬人死地當虎口一旦生涯懸鼓中昨日將軍徇死節悉

何生昏二字疑陷成血胷中豹畧張陣雲握內蛇矛揮白雪

長州南去接孤城居人散盡鼓諺疑驚三春不見芳草色

四面惟聞刀斗聲此時狂寇紛如市君當要衝固深壘縱

橫計出皆獲全士卒身先每輕死掃平氛侵望吳門人閑

歲美桑柘繁比屋全生受君賜連營罷戰預君恩如何弃

置功未錄通籍無名滯江曲灞亭不重李將軍漢爵猶輕

蘇屬國荒營寂寂隱山椒春意空驚故柳條野戰攻城只

如此即今誰是霍嫖姚

過荆門歌

李紳

荆江水闊煙波轉荆門路遠山葱蒨帆勢侵雲滅又明山

呈疑作程背日昏黃見青青麥隴啼飛鴉寂寞野逕棠梨花



行行驅馬萬里遠漸入煙嵐危棧餘林中有鳥飛幽谷月  
上千巖一聲哭腸斷思歸不可聞人言恨鬼來巴蜀我聽  
此鳥祝我魂死勿學此聲銜冤縱為羽族莫栖息直上青  
雲呼帝閭此時山月如銜鏡巖岫參差互輝映皎潔深看  
入澗泉分明細見樵人逕陰森鬼廟當郵亭鷄豚日宰聞  
羶腥愚夫禍福自迷惑魍魎憑何通百靈月低山曉問行  
客已酌椒漿拜荒陌惆悵忠貞徒自持誰祭山頭望夫石

校四十八字

六月十三日

文苑英華卷第三百四十三

文苑英華卷第三百四十四

歌行十四

獸

馬十首

牛二首

犀一首

虎一首

豹一首

羸駿篇

喬知之

噴玉長鳴西北來自言當代是龍媒萬里鐵關行入貢九

重金闕一作門為君開蹀躞朝馳過上苑趁趨暝走發章臺

玉勒金鞍荷裝飾路傍觀者無窮極小山柱樹比權奇上

林桃花况顏色忽聞天將出龍沙漠主持將駕鼓車去去

山川勞日夜遙遙關塞斷煙霞山川關塞十年征汗血流



離赴月營肌膚銷遠道膂力盡長城長城日夕苦風霜中  
有連年百戰場搖珂齒勒金羈盡爭鋒足頓鐵菱傷垂耳  
罷輕齋棄置在寒谿大宛蒲海北滇壑舊一作巖西沙平  
留緩步路遠閭頻嘶從來力盡君須棄何必尋途我已迷  
歲歲年年奔遠道朝朝暮暮催疲老扣冰晨飲黃河源拂  
雪夜食天山草楚水檀溪征戰事兵塞烏江辛苦地持來  
報主不辭勞宿昔立功非重利丹心素節本無求長鳴向  
君君不留祗應漫一作漫歸田里萬里低昂任生死君王  
儻若不見遺白骨千金猶可市

沙苑行

杜甫

君不見左輔白沙如白集作如水繚以周墻百餘里龍媒昔

是渥洼生汗血今稱獻於此苑中駉牝三千疋豐草青青  
寒不死食之豪健西城無每歲攻一作收駒冠邊鄙王有虎  
臣司苑門入門天廐皆雲屯驕驩一骨獨當御春秋二時  
歸至尊至尊內外馬盈億伏櫪在垆空大存逸羣絕足信  
殊傑倜儻權奇難具論纍纍塹阜藏奔突往往坡陀縱超  
越角壯翻騰麋鹿游浮深篋蕩龜鼉窟泉出巨魚長比人  
丹砂作尾黃金鱗豈知異物同精氣雖未成龍亦有神

老馬行

前人

東郊老集作瘦馬使我傷骨骼碑兀如堵墻絆之欲動轉欹  
側此豈有意仍騰驤細看六印帶官字衆道三軍遺路傍  
皮乾剝落雜泥滓毛暗蕭條連雪霜去歲奔波逐餘寇驂



騮不慣不得將士卒多騎內廐馬惆悵恐是病乘黃當時  
歷塊悞一蹶委棄非汝能周防見人慘澹苦集作若哀訴失

主錯莫集作漢漢無精集作品光天寒遠放鴈為伴集作侶日暮未

集作不收烏啄瘡誰家且養願終惠更試明年春草長

李鄠縣丈人胡馬行

前人

丈人駿馬名胡騮前年避賊集作胡過金牛迴鞭却走見天

子朝飲漢水暮靈州自矜胡騮奇絕代乘出千人萬人愛

一聞說盡急難材轉益愁向駑駘輩頭上銳耳批秋竹脚

下高蹄削寒玉始知神龍一作龍神別有種不比集作似俗馬空

多肉洛陽大道時再清累日喜得俱東行鳳臆麟鬚集作龍鬚

未易識側身注日長風生

駿馬歌集作駒馬行

前人

高都護驄馬行

前人

右二詩合入此卷歌行門而英華誤編在二百九卷

樂府門今不重錄

驅馬篇

戴嵩

神哉彼泰山五嶽專其名隆高貫雲霓嵯峨出蒸清流六

二候間此句疑高置十二亭上有涌醴泉玉舂揚華英東北

望冥野西望觀日精王者已歸天効厥元功成

舞馬篇

薛曜

星精龍種競騰驤雙眼黃金紫艷光一朝逢遇升平代伏

阜銜圖事帝王我皇盛德苞六羽俗泰時和虞石拊昔聞



九伐有餘名山海經夏后啓舞九代馬伐疑是代字今日百獸先來舞鈞陳

周衛儼旌眊鍾鎛陶匏聲殷地承雲嘈噴駭日靈調露鏗

鉉動天駟若麟螭躡景追風忽見知咀銜拉鐵並權竒被

服雕章何陸離紫玉鳴珂臨寶鏡青絲綵絡帶金羈隨歌

鼓而電一作驚逐九劔而飈馳態聚躡普胡切馬蹠跡還急驕凝

驟不移光敵白日下氣擁綠煙垂婉轉盤跚殊未已懸空

步驟紅塵起驚鳧翔鷺不堪倚矯鳳廻鸞那足擬衡垂桂

裏香氣氲長鳴汗血盡浮雲不辭辛苦來東道抵為簫韶

朝夕聞闐闐間一作玉臺側承恩煦兮生光色鸞鏘鏘車

翼翼備國容兮為戎飾充雲翹兮天子庭荷日用兮情無

極吉良乘兮一千歲神是一作得兮天地期大易占云南

山壽趁輝共樂聖明時

望雲騅馬歌并序

元禎

德宗皇帝以八馬幸蜀七馬道斃唯望雲騅來往不頓貞

元中老死天廐臣禎作歌以記之

憶昔先皇幸蜀時八馬入谷七馬疲肉綻筋攣四蹄脫七

馬死盡無馬騎天子蒙塵天雨泣巉巖巖道路淋漓濕崢嶸

白草眇難期認洞黃泉安可入白草認洞並路谷中地名古諺云認洞入黃泉朱

泚圍兵抽未盡懷光寇騎追行及媚娥相顧倚樹啼鷓鴣

無聲仰天泣圍人不疑進望雲騅衫色一作顛顛頰眾馬欺

上前噴吼如有意耳尖卓立節踈竒君王試遣廻胷臆撮

骨鋸牙駢兩肋蹄懸四距脛顆方騰竦三山尾扶直圍人



畏謫仍相感此馬無良空有力頻頻齧製轡難施往往跳

趨騎集作不得色沮聲悲仰天訴天不遣言君未識亞身

受取白玉鞍集作開口銜將紫金勒君王自此方敢騎似

遇良臣久悽惻龍騰魚鼈咸震集作驚驥駟驢騾少顏色

七聖心迷運方厄五丁力盡路猶窄駱駝山上斧刃堆望

秦嶺下錐頭石五六百里真符縣八十四盤青山驛掣開

流電有輝光突過浮雲無朕跡地平隘集作盡施黃屋九

九屬車十二纛齊映前導引騅頭嚴震迎號抱騅足路傍

垂白天寶民望騅禮拜見騅哭皆云集作玄宗當時無此

馬不免騎騾來幸蜀雄雄猛將李令公收城殺賊豺狼空

天旋地轉日再中天子却坐明光宮朝廷無事忘征戰校

獵朝迴暮毬宴御馬齊登擬用槽旣中號乘輿之君王自

試宜徽殿圉人還進望雲騅性強步潤無方便分繫擺袂

集分騷頭太高擎肘迴顛集作項難轉人人共惡難回跋

潛遣飛龍城芻秣金集作鞍繡轡不復施空盡茲引天年

御槽活當時鄙諺已有云集作莫倚功能集作浪開潤登

山縱似望雲騅平地須饒紅兒騷集作長安三月花垂草

果下翩翩紫騮好千官暖熱李令閑百馬生惺望雲老望

雲騅爾之種類世世奇當時項王乘爾祖分配英雄集作

稱霸王爾身今日逢聖人從幸巴渝歸入秦功成事遂身

退天之道何必隨羣逐隊到死踏紅塵望雲騅用與不用

各有時爾勿悲



瘦馬行

李端

城傍牧馬驅未過一馬徘徊起還卧  
毛焦瘦令人傷朝朝放在兒童手誰覺舉頭看故鄉  
往時漢地相馳逐如雨如風過平陸  
豈意今朝驅不前蚊蚋滿身泥上腹  
路人識是名馬衰一作疇昔三軍不得騎玉勒  
金鞍既已過追奔獲獸有誰知  
終身櫪上食君草遂與駑駘一時老  
儻伯長鳴隴上風猶期一戰安西道

放牛歌

陸龜蒙見集本

江草秋窮似秋半十角吳牛放江岸  
鄰有抵尾乍依隈橫去斜奔忽分散  
荒陂斷塹無端入背上時時孤鳥立日暮  
相將帶雨歸田家煙火微茫濕

官牛

白居易

官牛官牛駕官車漣水岸邊驅集作般  
載沙一石沙幾斤重朝駕集作載  
暮載將何用載向五門官道西  
綠槐陰下填集作鋪沙堤昨來新拜右丞相  
恐畏泥深集作恐汗馬蹄右丞相馬蹄踏沙雖淨  
潔牛領牽車欲流血右丞相但能濟人  
理國調陰陽官牛領穿亦無妨

馴犀

貞元丙子歲南海獻馴犀詔納苑中至十三年冬大寒馴犀死

前人

馴犀馴犀通天犀軀貌駭人角駭雞  
海蠻聞有明天子驅犀乘傳來萬里  
一朝得謁大明宮歡呼拜舞自論功  
五年馴養始堪獻六譯語言方得通  
上嘉人獸俱來遠蠻館四方犀入苑  
餼以瑤芻鎖以金故鄉迢遞君門深  
海鳥不知



鍾鼓樂池魚空結江湖心  
馴犀生處南方熱秋無白露冬  
無雪一入上林三四年又逢今歲苦寒月飲冰卧霰苦蹠

躅角骨凍傷鱗甲縮馴犀死蠻童集作兒啼向闕再拜顏色

低奏乞生歸本國去恐身凍死似馴犀君不見建中初馴

象生還故集作放林邑建中元年詔盡出苑內馴象放歸南方君不見貞元末

馴犀凍死蠻兒泣所嗟建中異貞元象生犀死何足言

南陽小將張彥瑛口鎮稅人場射虎詩

海內昔年狎太平橫目穰穰何崢嶸天生天殺豈天怒忍

使朝朝餵猛虎關東驛路多丘荒行人最忌稅人場張彥

雄特制殘暴見之叱起如叱羊鳴弦霹靂越幽阻徃徃依

林猶旅拒草際旋看委錦茵腰間不更一作抽白羽老饕

已斃衆雛恐童稚柳榆皆自勇忠良効順勢亦然一劍猜

狂敢輕動有文有武方為國不是英雄伏不得試徵張彥

作將軍幾箇將軍願策勲

臘日觀咸寧王部曲娑勒擒豹歌 盧綸

山頭曠曠日將出山下獵圍照初日前林有獸未識名將

軍促騎無人聲潛形踈伏草不動雙鷗轉旋羣鷗鳴陰方

質子纔三十譯語受詞蕃語揖捨鞍解甲疾如風人忽虎

蹲獸人立歛然扼頰批其頤爪牙委地涎淋漓既蘇復吼

物仍怒果叶英謀生致之拖自深叢目如電萬夫失容千

馬戰傳呼賀拜聲相連殺氣騰陵陰滿川始知縛虎如縛

鼠敗虜降羗皆目覩一作在眼前祝爾嘉詞爾無苦獻爾將隨



犀象舞苑中流水禁中山期爾攫搏開天顏非熊之兆度  
無極願紀雄名傳百蠻

校四十一字

文苑英華卷第三百四十四

文苑英華卷第三百四十五

詩行十五

禽

鳳一首

鷲三首

鶴二首

杜鵑二首

鶻二首

百舌一首

鳶一首

秦吉了一首

白鷗一首

水鳥一首

朱鳳行

杜甫

君不見瀟湘之山衡山高山巔

卡園注杜詩作巖

朱鳳聲

集作嗷

嗷側身長顧求其曹翅垂口噤心甚勞

一作勞

下愍百鳥在

網羅黃雀最小猶難逃願分竹實及螻蟻盡使鳴臬相怒



號

侍遊宜春苑奉詔賦龍池柳色初青聽新鶯百轉

歌

李白

東風已綠瀛洲草紫殿紅樓覺春好池南柳色半青青  
縈烟裏娜拂綺城垂絲百尺挂雕楹上有好鳥相和鳴  
問關早得春風情春風卷入碧雲去千門萬戶皆春聲  
是時君王在鎬京五雲垂暉耀紫清仗出金宮隨日轉  
天迴玉輦繞花行始向蓬萊看舞鶴還過苕若聽新鶯  
新鶯飛繞上林苑願入簫韶雜鳳笙

聽鶯歌

僧靈徹

新鶯傍簷曉更悲孤音清冷轉素枝口邊血出語未盡  
豈是怨恨人不知不食枯桑椹不銜苦李花偶然弄樞機  
婉轉陵煙霞衆雛飛鳴何踟促自覘遊鱗啄枯木玄猿何事  
朝夜啼白鷺長在汀洲宿黑鷗黃鶴豈不高金籠玉鈎傷  
羽毛三江七澤去不得風煙日暮生波濤飛去來莫上高  
城頭莫下空園裏城頭鷓鴣烏拾羶腥空園鶯雀爭泥滓願  
當結舌含白雲五月六月一聲不可聞

聽鶯歌

集作曲

韋應物

東方欲曙花冥冥啼鶯相喚亦可聽乍去乍來時近遠  
纔聞南陌又東城忽似上林翻下苑綿綿蠻蠻如有情  
欲轉不轉意自嬌羞兒弄笛曲未調前聲後聲不相及  
秦女學箏指猶澁須臾風暖朝日曷流音變作百鳥喧  
誰家懶婦



驚殘夢何處愁人憶故園伯勞飛過聲踟促戴勝下時桑  
田綠不及流鶯日日啼花間能使萬家春意閑有時斷續  
聽不了飛去花枝猶裏裏還栖碧樹鎖千門春漏方殘一  
聲曉

仙鶴篇

武三思

白鶴乘空何處飛青田紫蓋本相依緱山七月雖長去遼  
水千年會意歸緱山杳杳翔寥廓遼水纍纍歎城郭經隨  
羽客步丹丘曾逐仙人遊碧落迢迢碧落斷氛埃霞堂雲  
閣疑幾重開欲尋東海黃金竈仍向西山白玉臺九臯獨  
唳方情切五里驚群俄斷絕月下分行似度雲風前颺影  
疑迴雪風前月下路漫漫水宿雲翔去幾般宛轉能傾耳

國市徘徊巧拂漢皇壇琴中作曲從來易鼓裏傳聲有甚  
難夜夜恒飛銀漢曲朝朝常飲玉池瀾別有聞簫出紫煙  
還如化後上青天霜毛忽控三神下玉羽俄看二客旋鷺  
雀終迷橫海志蜉蝣豈識在陰年莫言一舉須千里爲與  
三山送九仙

鶴媒歌

陸龜蒙

偶繫江

集作漁

船汀樹枝因看射鳥令人悲盤空野鶴忽然

下背翳見媒心不疑媒閑崢立如無事清唳時時入遙吹

徘徊未忍遇南塘且應同聲與

集作就

同類疏翎宛若相逢

喜只怕纔來又驚起窺鱗啄藻乍低昂注定當宵流一矢  
媒歡舞躍勢離披似諂功能膏弩兒雲飛水宿各自物妬



侶害羣猶爾爲何况集作人間有名利外頭笑語中猜忌  
君不見荒陂野鶴階良媒同類同聲真可畏

杜鵑行

杜甫

君不見昔日蜀天子化作杜鵑如集作老鳥寄巢生子不  
自啄群鳥至今與哺雛雖同君臣有舊禮骨肉蒲眼如集  
身羈孤業工竄伏深樹裏四月五月偏號呼其聲哀痛口  
流血所訴何事常區區爾豈摧殘始發憤羞帶羽翻傷形  
愚蒼天變化誰料得萬事反覆何所無萬事反覆何所無  
豈憶當殿群臣趨

同前

司空曙又見杜甫集

古時杜宇稱望帝魂作杜鵑何微細跳枝竄葉樹中搶

翔集作瞥揆雌隨雄毛衣慘黑自顛顛衆鳥安肯相尊崇

漏集作形不敢栖華屋短翮唯願巢深叢穿皮啄朽背欲

秃苦飢始得食一蟲誰言養雛不自哺此語亦足爲愚蒙

聲音咽平聲噓若集作咽如有謂號啼略與嬰兒同口乾垂血

轉迫促欲似集作上訴於蒼穹蜀人聞之皆起立至今相

効傳微風集作乃知變化不可窮豈思昔日居深宮

嬪妃左右如花紅

呀鵲行

杜甫

病鵲卑飛俗眼醜每夜江邊宿衰柳清秋落月集作已側

身過鴈歸鷗錯廻首紫腦雄姿迷所向踈翻稀毛不可狀

強神迷復阜鷗前俊材早在蒼鷹上風濤颯颯寒山陰熊



罷欲繫集作龍蛇深念爾此時有一擲失聲濺血非其心

義鵲行

前人

陰崖二蒼集作有蒼鷹養子黑栢巔白蛇登其巢吞噬資

朝食集作恣雄飛遠求食鳴者鳴辛酸力強不可制黃口

寧集作無半存其父從西歸集作來翻身入長煙斯須領健鶻

冤憤集作痛憤寄所宣斗上挾孤影無聲集作來九天脩

鱗脫遠枝巨顙折老拳高空得蹭蹬短草辭蜿蜒折尾能

一掉飽腸皆已集作已皆穿生雖滅集作滅衆雛死亦垂千年物

情有報復快意貴目前茲實鷲鳥最急難心炯集作然功

成失所往用捨何其賢近經滴水涸此事樵人集作傳飄

蕭覺素髮凜若集作衝儒冠人生許與一作分亦在集作只在

又作顧眄間聊為義鵲行求集作激壯士肝所往

百舌吟

劉禹錫

曉星寥落春雲低初聞百舌間關啼花枝蒲空迷處所搖

動繁英墜紅雨笙簧百轉音韻多黃鸝吞聲鶯無語東方

朝日遲遲升迎風弄影如自矜數聲不盡又飛去何許一作

處相逢綠楊路綿蠻宛轉似娛人一心百舌何紛紜醜類

俠少停歌聽墮珥妖姬和睡聞可憐光景何時盡誰能低

廻文粹避鷹隼廷尉張羅自不關潘郎挾彈無情損天生

羽族爾何微舌端萬變乘春輝南方朱鳥一朝見索漠集

無言蒿下飛

飛鳶操

前人



鳶飛杳杳青雲裏鳶鳴蕭蕭風四起旗尾飄揚勢漸高箭

頭若割聲相似長空悠悠霽日懸六翻不動凝飛集作烟

遊鷲翔鴈出其下慶雲清景相廻旋忽聞飢鳥一噪聚瞥

下雲中爭齧鼠騰音礪吻相喧呼仰天大嚇疑鷄雛畏人

避犬投高處俛啄無聲猶屢顧青鳥自愛玉山禾仙禽徒

貴華亭露樸楸危巢向暮時毳毼文粹作飽腹蹲枯枝遊

童挾彈一麾射臆碎羽分人不悲天生眾禽各有類威鳳

文章在仁義鷹隼儀形螻蟻心雖能戾天何足貴

秦吉了 白居易

秦吉了出南中彩毛青黑花頸紅耳聰心惠舌端巧鳥語

人言無不通昨日長爪為今朝大觜鳥為捐乳鷺一巢集作

窠覆鳥啄母鷄雙眼枯雞號墮地鷺已集作去然後拾卵

攫一作其雛豈無鷗與鷓嗉中肉飽不肯搏亦有鸞鶴群

閑立高颺如不聞秦吉了人云爾是能言鳥豈一作不見

雞鷺之冤苦吾聞鳳凰百鳥主爾竟不為鳳凰之前致一

詞集作安用啾啾集作噪噪閑言語又作喋喋

放白鷗篇 宋之問

故人贈我綠綺琴兼致白鷗鳥琴是嶧山桐鳥出吳溪中

我心松石清霞裏弄此幽絃不能已我心河海白雲垂憐

此珍禽空自知著書晚下麒麟閣幼稚驕癡候門樂乃言

物性不可違白鷗愁慕刷毛衣玉微閉匣留為念六翻開

籠任爾飛

集作  
元衣



水鳥歌

陸龜蒙

水鳥山禽雖異名天工各與雙翅翎  
 雛巢吞啄即一例游處高卑殊不停  
 別有嘴鈎爪戟勁立直視者擊搏挽裂圖  
 羶腥如此等色恣豪橫竦身往往陵青冥  
 為人羅絆取材力常講綵綬懸金鈴  
 三驅不以鳥捕鳥天下先得聞諸經  
 超然可繼義勇後恰似有意集作志行天刑  
 鷗閑鶴散兩自遂意思不受人丁寧  
 今朝棹倚寒江汀春鈕翡翠參鳩鵲  
 孤翹側睨瞥滅沒未是即肯馴軒楹  
 婦女衣襟便佞舌始得金籠日提挈  
 精神卓犖一作犖背人飛合集作冷抱簾葭宿  
 煙月我與時情大乖刺秭是江禽有眉髮  
 慙慙謝爾莫相猜歸來長短同羣活

文苑英華卷第三百四十五